

七元真訣語驅疫秘經

道言龍漢之劫數窮混沌七元凝精皆有靈書秘訣出乎龍漢之初北方黑帝有征鬼之法大著神功於一國號曰鬱單皆是生死之籍執錄三魂所總管三十二天世界列位星象皆主生人之命籍執錄三魂七魄惡置右宮黑簿善置左宮善書玄曹凡天子帝王皆衆星辰應象位主中天是以下元生民多積罪穢凶逆之徒死皆為下鬼三官所考元精本命凝上炁不能救其屍為魔穢六洞所承下流三界令人畏懼死為鬼道水失真趣不能添神益算天亡於日月之下可不悲哉道言夫天地之間皆稟七元之覆育夫天地生人皆有七魄神在人身中上應七星有三魂在人五藏中上應天為三台生人若能修行吐納吞精納炁奉行經戒入室精鍊思神念真惜炁少語即七魄真神護人上應天中應七元官皆上元三宮九府三千六百曹名列天元之精令生人所學成就神降靈府三魂神在天為三台官皆置為天曹主人生死

急難之事若修鍊七元者即三天曹為善錄下鬼三官不能執錄者也

七真曰下元生民多積凶孽不能添神益算皆為陰鬼惡魔所縛係著風刀不知大道七元真炁可能救拔三五有職鬼之功天曹有迴換之籌北極帝君有驅除之法可為延齡令後學修之可獲長生延壽益命下元生人皆被屍魔所縛不能得上司之力所以天七埋屍葬骨魂魄難詣玄都為敗屍之民迷而不悟矣

大帝告七真曰我昔奉

天尊告命戰伐下鬼救拔生民免遭橫死日有所益太上昇入北方位為總極為北極大帝治諸圖錄有三十六條科法皆列星象正法有六天神符六道以封六洞鬼官又列七元寶籙有三天玄圖圖中列二十八宿日月之位有寶籙靈神章四十八字皆列元精之炁凝結成輝其字皆長八寸刻鳳管之中七真可皆三過朝軒名曰伏魔神篇男女之官可依科法素絹朱書佩帶辟除凶惡延年益

第七真稽首再拜立臣高位總掌天民施奉圖籙作何修奉得驅魔穢令得下元生民遭逢玄奧跪受訣言令生人修學得知善惡報應在乎深遠矣

大帝告七真曰下元生民從此降下氣真一之炁元精所生稟為一形皆備三元育養九炁所覆下為兆民皆交一元所生年命自有度數衰盛皆有運周皆可修續延生之法佩服符籙送我命財專精勵機勿為罪障可隨一元濟拔消其不祥一元皆有三十六官官有一百二十曹主知生死罪福之科令人修謝齋送錢幣隨元所詣生人獲福殃消疾愈無不應瑞當降元精濟炁下覆人身為元精育養三魂鎮體七魄扶身萬邪不敢害矣七真授命總校諸司罪福之科各有曹府係屬生民命籍生死吉凶皆悉由我之元精能守其形固其根蒂名曰守精降真之民吾當當育之令其王相齋戒守道可佩吾秘書之訣服日華月英仰謝二十八宿真官可以延年度厄遊歷名山為世之真師萬靈稽首

明魔侍軒得道克真遂成昇仙之侶列之圖
券書此經中末學之士一依修奉治世理民
勿犯天科事獲精進天書玄妙用傳後人真
券靈文列之于左

共倡王志夙志無疆
蕙隆所獲果殆惡風
懸這承殊亞焉惟
淨性大鮮惠速靈
齋潔訓顯意謹飛興
馬象琴愛棘重
山陽勝汪岩

太真曰七元真炁紫府神章列鳳券合四十
八字刻藏之名山昔紫童君所授非世遠後
學真師慎勿輕泄天科嚴峻明告天人知之
者矣
七元真訣語驅疫秘經

正一天師清微弟子 洪百堅 製作
道教學術資訊網站

二經同卷

七元瓊瓊召魔品經
元始說度鄴都經

群二

七元瓊瓊召魔品經

七真告五老上皇曰天有三炁主无上三天
也第一天名清微寶天第二天名禹餘元天
第三天名大赤中天上天昊天下至中天人間
謂之三清真炁凝結皆主治三洞治化人間
攝伏百惡生人求福皆至此也列二十八宿
有中皇九道神炁下布人身養育生民上為
九星真君皆好長生有不死之道在此極之
上名曰九道皆置九宮八卦皆有真符九道
今後學佩授大驅鬼神翻天轉地攝伏惡魔
上能助國扶難下有理救生民之法
天尊以龍漢元年甲午之歲演君北帝降曾
生道戮鬼滅精之法令天人修之故出三五
步誦躡紀正法露落七元真符元精神券謂
之滅魔真券靈章傳于天師令生民無天亡